

蔣委員長告友邦書

運公

者也。

本年七月七日抗戰四週年紀念日，蔣委員長發表告友邦書，請友邦認識以下三點：（一）日本係世界戰禍之水源；（二）應先撲滅日本；（三）反侵略之友邦必須彼此澈底合作。其原文如次：

「中國對日抗戰，已滿第四週年。當抗戰之始，吾人即認定日寇侵略行為，如不迅予遏止，不僅危及中國生存，亦必貽世界以莫大之禍患。故遂毅然奮起，與我之敵寇相周旋，利害得失，均非所計。四年以來，艱苦奮鬥，已使日本軍力大見消耗，亦使其狂妄無比之野心暴露於世，莫能自掩。然我中國自始即準備獨力作戰到底，更深信中國一國之力量，足以戰勝日本，祇須各友邦充分與我以武器與經濟之援助，則勝利即可提前實現。世界即可免於浩劫。中國民族理解戰爭之殘酷性為最深，而希望任何國家不遭受戰禍之心亦最切，故雖明知日寇侵略目標，斷不止於中國，從不冀求任何國家參加戰爭，苟使正義得以伸張，人類得免殃患，中國軍民所受之犧牲，即有代價。此中正所屢次聲言，亦友邦人士所共聞見。

者也。

此一年以來，遠東局勢與世界局勢，均有劇烈之變化，而最近數週之間，其演變尤為迅速。軸心國家與日本之同聲相應，同惡相濟，使世界劃然形成侵略集團與反侵略國家之二大分野。時至今日，遠東之烽火，已不復為中日兩國間之戰爭，而歐洲戰事與亞洲戰事，亦相互連接，而已構成極密切之關係。縱觀全球形勢，殆無一國能自處於戰爭以外。蓋侵略集團既畢露其真面目於世界，而任何國家遲早均可為其兇鋒所指之目標，戰爭猶之火，燎原之火，必有其源。今日一切國家，誠欲避免戰禍，唯有撲滅戰火，誠欲減輕戰禍，唯有制敵機先。於此有三大要義，願為我各友邦人士陳之。其一，吾所謂戰爭火，必有其源，而此次勢將波及全世界之戰爭，其火非他，實為日本「一九一八」一役，撕毀一切條約，侵佔我國領土，是其侵略野心，早已昭著於十年以前。而一九三六年之防共協定，更為其鼓勵侵略勢力，蓄意擾亂世界之開端。此一年來，始則勾結德義，訂立三國同盟，又宣布「大東亞新秩序」之口

號，正式宣稱包括其所謂「大洋洲」在內。一方面將其海軍侵略根據地移置於海南島與越南，故迫溯此次世界戰爭策動與擴大之經過，日本實為燃發世界戰火之源，不僅為東亞戰爭之禍首罪魁而已。此害不除，則世界戰禍，將無止境，人類亦永無寧日。此我友邦所宜認識者一也。其二，此後戰爭之勝敗，當以反侵略力量能否在亞洲伸張為唯一前提。亞洲之人口與物力，甲於全球，若亞洲美洲與歐洲之民主國家，共同集合於反侵略旗幟之下，緊密合作，則民主必可勝利，暴力必歸消滅。是以今日太平洋有關各友邦，必當改變觀念，轉移視線，確認太平洋之重要，決不下於大西洋，而亞洲今日之地位，更重於歐洲，並須認定歐局愈嚴重，日本侵略勢力之摧毀愈不可緩。中國苦戰四年，即在為本國兼為世界人類盡其神聖之責任，各友邦為其本身利害與世界前途計，亦應首先撲滅此世界戰爭禍首之日本，然後可以亞美澳非各洲之共同力量，使歐洲戰事得一總解決。反之，如果尚冀日寇有萬一之覺悟，因而寬縱日本，則必踏各友邦在歐洲對德之覆轍，又若誤認今日之日人與德義尚可分別而論，以為可先敵視其一而緩和和其他，則其後果之嚴重，更不堪設想。予信任何友邦對亞洲今日之戰局，

119460

當必不至隔岸觀火，以延長日本火燄終殃及其本身，而有追悔莫及之嘆，此各友邦所宜認識者二也。其三，現在侵略國家與反侵略國家之分野，既極明朗，德義日三國已結成集團，展開侵略行動，一切愛好和平與自由之國家，亦正形成反侵略陣線，吾人確信反侵略諸國家實力之總和，遠在侵略國家之上。惟在今後生死存亡決鬪之中，一切反對侵略之友邦，必須彼此澈底合作，精誠互助，不可從小處近處着眼，不可有任何之遲疑與顧忌，必須爭取時間，爭取主動，切不可予侵略者以從容布置之餘暇，或坐待侵略者更進一步先發制人之攻擊，如此則最終勝利之屬於吾人決無疑義。誠以侵略國家之動作，決不能再以常情推測，以為進攻目標，尚有先後緩急之分，須知彼所認為先為急者，蓋早已併吞無餘，而今之所殘餘者，僅為其最後嘗鼎之一鬪耳。日寇今日之動向，世人以為其必將南進者，有以為其必將北進者，有以為其南進北進決無實力同時並舉，而惟專力西進侵華，以期達其解決中日戰事之目的者，殊不知彼既包藏不測之禍心，祇要有機可乘，有隙可抵，則任何方向均將冒險進取，且必利用民主各國向來苟安徘徊之心理，而效法德國突擊之攻勢，今日蘇德之戰局，更為其南北並

進之良機。蓋彼若不出之先發制人之攻勢，則無論南北，豈有萬一倖得逞之可能。反侵略各友邦之政治家與軍事家，若不明察此義，而昧於一旦，則將予世界人類以最嚴重之影響，且將無所逃於歷史之責任。此我友邦所宜認識者三也。

最後更欲為各友邦懇致一言者，友邦對我國之援助，中國人民必永誌不忘。中國之友邦，自隣接吾國之蘇聯，以迄西半球之美國，乃至身處艱難境遇中之英國，自開戰迄今，均不斷予吾人以種種之援助，此實使中國人民與抗戰軍隊至感興奮。中國政府與人民，決不辜負友邦之同情與援助，從而辜負其自己之奮鬥與犧牲。余於抗戰開始之時，即謂此次戰事為善與惡是與非之戰爭，為公理正義與侵略暴力之戰爭，公理必獲勝利，實無絲毫疑義。然為縮短戰爭之時間，減少世界人類之犧牲，則吾人又不可不急起直追，以促侵略勢力之及早崩潰。繼今以往，中國與各友邦協力奮鬥，羅斯福總統宣示，世界人類必須享受之四大自由，終必普及於全球，中國今方與日本作殊死戰，此戰之意義，不僅在消滅日本侵略之暴力，亦必求於未來自由世界中，有所貢獻於人類文明與福祉，此則中國軍民之決心，余所樂為宣告者也。

蔣委員長告全國軍民書

蔣委員長於抗戰四週年紀念日發表告全國軍民書，勉以三事：(一)一致精誠團結，提高

運公

戰鬪力量；(二)發揚民族精神，建立復興基礎；(三)把握建國重點，完全革命大業。茲將原文

世界小諷刺

蘇聯沉着地抵抗德國的侵略。

